



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<< 14 >> հունիսի 2019թ.

Ո Ր Ո Շ ՈՒ Մ No. 1111 /06Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս քննարկելով անհատ ձեռնարկատեր Ռուծիկ Աբգարյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Ռուծիկ Աբգարյանի (ՀՎՀՀ՝ 35034706, հասցե՝ ք. Երևան, Մալաթիա-Սեբաստիա թաղամաս, Մարկվարտի փողոց 85/12. 6 բն., անձնագիր՝ 000117689, պետական գրանցման համար՝ 290.05505) նկատմամբ <<15>> մայիսի 2019 թվականին հարուցված վարչական վարույթի շրջանակներում գանձման ենթակա պարտավորությունը կազմում է 763.684 դրամ, որից ապառք՝ 468.808 դրամ, տույժ՝ 294.876 դրամ: Ռեզիդենտի շահութահարկի գծով 5.086 դրամ /ապառք՝ 5.000 դրամ, տույժ՝ 86 դրամ/ պարտավորությունն առաջացել է ռեզիդենտի շահութահարկի 2018 թվականի հաշվարկից, ինչը սույն որոշմամբ ենթակա չէ գանձման:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 20.12.2016 թվականին կայացվել է թիվ 1363/03 որոշումը անհատ ձեռնարկատեր Ռուծիկ Աբգարյանից 187.225 դրամ գանձելու վերաբերյալ: Կատարվել է վճարում, որի արդյունքում պարտքը թիվ 1363/03 որոշման շրջանակներում կազմում է 45.903 դրամ, որից շրջանառության հարկ՝ 38.450 դրամ /տույժ/, եկամտային հարկ՝ 7.453 դրամ /տույժ/:



Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **712.695** դրամ, որից՝

Եկամտային հարկի գծով պարտավորությունը կազմում է 268.897 դրամ, որից ապառք՝ 180.640 դրամ, տույժ՝ 88.257 դրամ, որն առաջացել է 2016 թվականի նոյեմբեր ամսից մինչև 2017 թվականի մայիս ամիսների համար հաշվարկված եկամտային հարկի գումարներից, 2016 թվականի նոյեմբեր ամսից մինչև 2017 թվականի դեկտեմբեր ամիսների եկամտային հարկի և սոցիալական վճարի ամսական ամփոփ հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ, ՀՀ հարկային օրենսգրքի 401-րդ հոդվածներով հաշվարկված տույժից,

շրջանառության հարկի գծով պարտավորությունը կազմում է 443.798 դրամ, որից ապառք՝ 283.168 դրամ, տույժ՝ 160.630 դրամ, որն առաջացել է 2016 թվականի 4-րդ, 2017 թվականի 1-3-րդ եռամսյակների շրջանառության հարկի հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ, ՀՀ հարկային օրենսգրքի 401-րդ հոդվածներով հաշվարկված տույժից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. անհատ ձեռնարկատեր Ռուժիկ Աբգարյանից գանձել **712.695** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՅԱԿԱՆՅԱՆ

Կատարող՝ ԻՎ հարկադիր գանձման և
պարտավորությունների կատարման
ապահովման բաժնի գլխավոր մասնագետ
Անի Հովեյան, հեռ.011-54-91-91 /91-65/